



10. april 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Ukiuni kingullerni timmisartumik angalanerup akisuallaarujussualerneranut Naalakkersuisut isumaqataappat?
2. Bilitsit akitsorujussuarnerisigut innuttaasut nunatsinni najugallit ilumut angalanerulernissaat Naalakkersuisut naatsorsuutigaat?
3. Imaluunniit bilitsit akitsorujussuarnerinut atorfimminnut atatillugu angalasut takornarissallu kisimik angalanissaat isaatitsissutissatut isumalluutigiarneqarpat?
4. Innuttaasut nunatsinni najugallit nunatta iluani avataanullu allatuulli angalasinnaasariaqaraluarnarat Naalakkersuisut qanoq aqqutissiuunniarpat?
5. Timersortartut ullumikkorniit akikinnerusumik siunissami angalasinnaalernissaat anguniarlugu, Timersornermut Naalakkersuisup, Air Greenland ataatsimeeqatigisimanerlugu?
6. Ukioq manna nunatta sineriiaani (Nuup avataani pisuni) pissartanngorniunnerni pisortatigoortuni aammalu Avannaata qimussersuaqarnerani kiisalu Arctic Circel Race-mi Naalakkersuisut sorliit peqataaffigivaat?
7. Timersortartut ullumikkornit akikinnerusumik siunissami angalasalernissartik timersortartut naatsorsuutigissavaat?
8. Angalanerup akitsorujussuarnera pissutigalugu kulturikkut aqqqissuunneqartartut (Arctic Sounds) siunissami Nuup avataani piviusunngunngitsoortartalernissaat Naalakkersuisut ernumanartutut isiginngilaat?
9. Timmisartumik assartukkat/nassiussat sapaatip akunnerini arlalinni tikinniartarnerat Naalakkersuisuniit qanoq nalilerneqarpa?
10. Silaannakkut nassiussanik/assartuussineq angallassineq Naalakkersuisut iluarisimaarpat?
11. Silaannakkut nassiussanik/assartukkanik angallassineq suli ajornartorsiutaasimappat, tamatuma aqqinneqarnissaa sooruna taamak ajornartigisoq?
12. Naalakkersuisut isumaqarpat Nuup avataaniittut piffissarujussuaq nassiussanik tikittoorniartarnerat, utaqqisinneqartarnerat Air Greenland-ip naammassisinnaagaa?
13. Naalakkersuisut nassiussalerneq ingerlatseqatigiiffimmiit allamiit ingerlanneqalersinnaaneranik isumaliuuteqarpat? Taamaassimappat suna qaqugulu?

(Inatsisartunut ilaasortaq Erik Jensen, Siumut)



Tunngavilersuut:

Ukiuni kingullerni timmisartumik angalanerup akitsorujussuarnera tamanit arajutsisimaneqanngilaq. Tamannalu innuttaasut angalasinnaanerinut annertuumik killilersuisimassasoq takorloorneqarsinnaavoq.

Timersoqatigiit Kattuffiatu ataatsimeersuarnerani Timersornermut Naalackersuisumiit aamma uparuarneqarpoq aningaasaliissutit amerlavallaat Air Greenlandimut nakkartinneqartarnerat aammalu neriorsuutigalugu timersortartut akikinnerusumik angalasalernissaat anguniarlugu Air Greenlandmik ataatsimeeqateqarniarluni – tamanni immi tapersernarpoq. Taamaattorli neriorsuut ilumut piviusuunersoq timitalerniarneqarnersorlu imaluunniit inuit tusaarusutaannaannik Naalackersuisoq oqalunnerusersoq paaserusunnarpoq.

Taakkua saniatigut nunatsinni nipilersornikkut aaqqissuussat angisuut ilaanniit ernumassutigineqarpoq, angalanermi akit taamak qaffasitsigiinnassappata aaqqissuussap siunissami taamatut iluseqarluni ilumut siunissami ingerlaannarsinnaassanersoq. Allaat aarleqqutigineqarsinnaalluni aaqqissuussaq pingaaruteqaqisoq nuannarineqaqisorlu siunissami sinerissami (Nuup avataani) aaqqissuunneqartarnera tulluartuunersoq.

Kiisalu aamma nassiussat angallanneqartarnera ullumikkut Nuummi mittarfiup atulernerata kingorna sapaatit akunnerpassui illoqarfigisamut nunaqarfinnulluunniit apuunniartarneri akuersaarneqarsinnaanngilluinnartoq iliuuseqarfigineqartariaqarpoq. Sineriak puorlugulusooq nassiussanik ingerlatsisoqalersimanera Naalackersuinikkut sakkortuumik iliuuseqarfigineqartariaqalerpoq isumaqarpunga.

Allaallumi inuussutissarsiortut namminersortut timmisartukkut nassiussat ilaatigut pisiassat asioreersut tigusaleqqaneri akuersaarneqarsinnaanngilaq. Taamaattumik Air Greenland-ip nassiussalerineq suliassaq kivissinnaanngippagu allatut qanoq aqqinneqarsinnaanersoq eqqartorneqartariaqalersoq isumaqarpunga.

Apeqqutigineqartut ullut suliffiusut qulit iluanni akeqquneqarput.